

新刻羣音類選

新刻聲音類選卷十五

虎林 胡氏 文會堂 校選

玉盒記

邂逅相逢

懶畫眉綠鬟雲散裊金翹雙釧寒生玉粟嬌畫簾高
軸望春遙花源怕有漁郎棹檢點流波莫泛桃前腔
紫騮珠勒驟西郊綠水回通宛轉橋玉人何處教吹
簫雕闌十二春寒峭一咲東風放碧桃前腔金鈴小
犬吠啐啐莫不是風送花陰隔院搖兒家樓閣倚重
霄縱瑤池有路無青鳥你錯認三偷阿母桃前腔可

憐人度可憐宵、柔暈香魂付寂寥、冰心那肯逐春消、
夜寒多露愁霑草、難道是瓊瑤報木桃、

託寄玉盒

孝順歌、龍池遠、鷺嶺巍、鳴鍾罷齋、停午時、梵語出林
稀、潮音向空起、暫來隨喜、諸院逶迤、猶傍迴廊倚、幾
曲雲連、一片如秋水、花影移、日影遲、鳥亂啼、歸路恐
成迷、前腔、生衣試步屨遲、禪林借棲、雙樹枝、寶鐸聽
風吹、珠扉破雲啓、乍逢高髻、一道行光、初見驚還避、
半面低回、似惱還如喜、是也非、信也疑、他也費尋思、
俊人兒像是誰、醉羅歌、當日當日曾逢你、今日今日

我為誰、何勞夾轂、問華居、柳市南頭去。瓊漿無分、藍
橋轉迷、歲華暗鎖、簾旌半垂。惺惺那惜惺惺的、慈雲
庇、佛日輝。願他做蓮花會上、並頭枝。
前腔、夢遠夢遠、春迢遞、眼飽眼飽、肚中饑。清冰徹底、不露泥、莫認東
鄰女、纖腰束素、隨風漸款、雙眉寫翠、和烟漸舒。章臺
弱柳三眠未、慈雲庇、佛日輝。願他早攀仙桂、最高枝。
好姐姐、羅敷知他有夫、不着緊目成心許。雖多夢見、
此生應見稀、春何處、從今打疊香魂死。飛絮遊絲、無
定時。
前腔、亭亭十三有餘、這早晚、破瓜將及、野鴛休
學、難教綵鳳隨。春何處、聲聲杜宇催歸去、流水桃花

又一時、尾聲、這是藍田白壁無瑕器、你莫猜做雲英
玉杵、我只揠三百青錢佐酒貲、

得盒論韓

宜春令、空中絮、陌上塵、笑春光何曾戀人、殘雲沒定、
乘風目斷東牆影、假饒他碧玉多情、也須要明珠為
聘、算分明、圍鸞檻、鳳倩誰看緊、前腔、金屏晚、畫閣春
料他們臨風待人、梨雲夢冷、闌珊翠壁、窺粧影、早收
拾半捻檀痕、好問取一枝梅信、這分明、是溫家勾鳳
引鸞的玉鏡、

太師引、少年場、幾載曾馳騁、且藏身朱園錦屏、試探

他明妝金屋、選按取、鑲字瑤笙。你香羅半鞦、春烟暝、
鎮日裏粉殷脂剩。華堂宴瓊釵、綉裯多情處、要慙慙、
翠勺銀餅、前腔。家徒四壁如懸磬、況沒箇當壚麗人、
少甚麼黃金結客、可教他白雪窺臣。那雕輪畫轂、遊
豪俊、想多緣席上堪珍也。終須石見水清、今日且休
猜有女懷春。三學士、隔戶春催花信緊、試聽葉底流
鶯、他開籠擬放、凌霄翼、你出峽應輸夢雨情、倚玉兼
葭、須分定、那辨取、假共真。前腔、北海鵬程終一奮、又
何妨食穀衣鶉、縱多情桃葉羞相接、怕薄倖青樓浪
得名、倚玉兼葭、多分定、還辨取、假共真。

婢來述約

紅衲襖你甚的困新豐似馬周敢只為出函關尋李
叟可輕拋舉案的齊眉偶想貪他倚門的獻笑流怎
免得雉朝飛在野愁更教那烏夜啼臨霜候只恐你
韶顏不久畱春也露濕荷裳已報秋前腔我只為悞
看花帝里遊却計箇結如蘭豪俠友恨生平種壁在
藍田後那里去懷珠向漢浦求怎拚得賦淒淒怨白
頭也不道弄慘慘縫素手只恐那仙宮鎖定嫦娥也
斟酌天寒柰九秋解三醒美詞華天垂列宿好風神
水湛清秋當壚沒箇人儂守更臨卽四壁堪愁那瑤

姬判夜歸巫岫，我驛使傳春到隴頭。
合雙星湊，似盈一水，織女牽牛。
前腔只贏他，提心在口，早難言有。
鵲巢鳩，累累已似亡家狗。
誰承望燕侶鶯儔，怕桃花爛熳，迷仙岫。
教柳眼安排，怨陌頭。
合前

席間義贈

桂枝香，押簾銀蒜，拂纓珠串。
啼妝半貼鈿蟬，手語斜飛金鴈。
看花期漸闌，花期漸闌，露條香濺。
風心紅綻，在長安人遠，天涯近。
春歸客路先，北寄生草，催風雨愁中節。
怨龍蛇原上田，那花飛細蕊，胭脂絢。
門垂御柳，金絲顫，宮傳蠟燭青煙變。
知何方火向客心然，便

禁烟也不禁侯家宴。桂枝香。風回彫扇。春催檀串。璇
題梓澤高騫。玉柱樂章低按。把金尊再拈。金尊再拈。
羞蛾偷換。清鹽流盼。笑嫣然。引鳳停歌拍。驚鸞試舞。
筵。北對玉環帶過清江引。碧玉珊珊。羅裳風外單。紫
燕翻翻。纖纖掌上安。頓趾却仍前。迴身斷復還。飛雪
流波。盈盈舒媚眼。餘姿逸態。張猶掩。障袂驚香散。急
鼓會繁絃。白紵縈清彈。乍猶矜。忽如疑。中似幻。燒夜
香。金波蕩影弄雲鮮。織女橋回幾曲。聯洞口花源。別
有天。別有天。邀客儘留連。向晚扇。月斜窺繩河半展。
梁州序。瑤臺星列。金波虹瞰。十二羣山不斷。籠香沾

翠臨春笑攬韶年、看你詞華校日、麗彩升霞、絕世俱
堪羨、玉笙吹徹也、會雙仙、一任天風駕紫鸞、合然錦
燭、開羅薦、祀玄漿、合盃頻頻勸、期百歲、結良緣、前腔
天潢貴種、星橋仙媛、掩映金輝玉燦、絲蘿喬木、根株
豈合纏綿、況我窮林賦鳥、幸舍歌魚、涸轍波非淺、塞
棠何處也、隔蓬山、敢望文簫逐綵鸞、合前前腔捧瓊
蘇、醉壓銀蟬、點松肪、光飛玉廟、更沉香、火底穠李花
前、可是嫦娥奔月、帝女乘雲、覲面將人、閃、謾憐雙笑
也、鏡空圓、翠影羞窺舊舞鸞、合前前腔道新人、琬琰
名鐫、問才郎金華時彥、看花房低綴、繡帳高懸、這是

推雲出岫、掇月移宮、好事行方便、今朝遷次也、笑帝
難、一曲離鴻、雜引鸞、合前節節高、名香炷博山、瑞爐
煙、深深拜發、低低願、憑天鑒、交頸鴛、雙飛燕、春光到
處、常相見、風波縱有、休輕散、合一日長安、遍看花、管
教早晚、魁金殿、前腔蘭房、笑語喧、擁嬋娟、銀缸隱見
桃花面、香鬟亂、寶唾沾、靈犀泮、遊蜂細簇、幽黃淡、啼
鶯暗度、驚紅散、合前尾聲、銅龍午夜、催銀箭、障溶溶
香氤夢暖、你海樣恩、深石樣堅、

啄木兒、紗窓倚、繡陌遊、不是從前相識久、猛偷傳一
縷柔情、却空拋、萬種閒愁、想今生、沒路投機、穀東風

怕不堪回首、可料浮槎替入舟、前腔琉璃榻、翡翠樓、
手捲真珠上玉鈎、擲年光幾樹楊花、躍春風甚處驂
騑、記初窺薄怒、頰相逗、將辭轉盼、精堪授、今日蒙羞
載鄂舟、三段子、綿藤話、兜筭從前相思盡勾、香甜味
投、趁新來風流上頭、他防身寶袂、牢牢扣、耽驚翠黛
輕輕皺、兀那一段銷魂、乍喜乍羞、歸朝歡、畱心的、畱
心的、緊偎慢抽、恰好處、些兒著手、鍼和線、鍼和線、記
他引頭、你如今真喚箇章臺折柳、怕他燈前光眼、將
人瞞、床頭絮語、將人構、做道是軟款溫柔、不識羞

贈家出遊

北雙調新水令 一生塵土夢初醒，幾年來隱名畱姓，
鳥飛和兔走，虎鬪與龍爭，誰是惺惺，百忙裡難提省。
南步步嬌 曉帳沈沈，茱萸冷，鳥喚東風醒，香肩併影，
行一抔生烟，柳昏花暝，何處把車停，試看人在瑤華
境。北折桂令 只空憐一事無成，儘家緣一諾都傾，得
趁着，一介書生，今日這綉戶銀屏，鴉青獸錦，婢織奴
耕，一任你支分管領，伴他們，嫖娜娉婷，早成箇錦片
前程，俺可待無錢斷酒，折末也垂老修行。南江兒水
一片英雄氣，三年客旅情，疎財仗義交曾訂，騎來匹
練穿花影，俚將雌袖臨妝靚，况復傾家相贈，三匝堪

栖到敎你南枝孤另、北雁兒落帶得勝令、俺也曾脚
蹬將日窟平、俺也曾手撼得天關應、俺也曾指河山
帶礪盟、俺也曾驅虎豹風雲陣、到頭來長揖謝公卿、
暗粧孤花柳情、打減下、龐豪性、做幽居、不用名盈盈、
漸白髮飄明鏡、冷冷、我只待駕鸞驂、上玉京、駕鸞驂、
上玉京、南僥僥、令佳期、空自定、別恨轉多縈、縱有日
相邀雲路迴、料環珮只空歸月下聲、北望江南呀、你
子道環珮只空歸月下聲、誰待會到蓬瀛、可知那飛
梭日月一棋枰、更茫茫欲海幾千層、俺虛飄飄此行、
虛飄飄此行、甚的是東風回首不堪情、南園林好聽

金雞雲中共鳴、看青鳥筵頭共行、願傍著蓬山芝嶺、
隨子晉、學吹笙、搗靈藥、兔長生、搗靈藥、兔長生、北姑
美酒帶太平令、蓮峰矗、紫閣橫、蓮峰矗、紫閣橫、仙露
掌、白雲庭、這杯酒殷勤唱、渭城、疊陽關、你送行、正垂
柳、怨青青、早除却花魔酒病、慣聞他鶴唳猿聲、守清
夜、藥爐丹鼎、張碧落、粉圖霞幘、你呵、若問俺今生、試
聽、一待滿千齡、再經呀、怕難尋舊家門徑、南尾風花
聚散真無定、憶歲歲王孫草色青、空擲下千金結客名、

祝髮避難

小桃紅

蟬鬟翠減、螭首蓬飛、尚恐人多忌也、玉翦將

伊斷膏沐為誰施、休束帛、且披緇、說甚麼、綰如雲、滑
如脂、真道是何須髻也、恨結髮空教人兩處、諒之死
無移、誦彼柏舟詩、下山虎、茹吟壁月、織冷機絲、葉滿
空宮裡、鑾輿忽的遠馳、縱不得跨鶴遊仙、且伴孤鸞
暫棲、想歸海樓船未有期、夢與飄風會、似斷梗飄萍
誰可繫、形影聊相倚、白首怎離、嘆惜人間萬事非、蠻
牌令、天女似、獻花枝、飛瓊似、赴瑤池、贏得蕭蕭身、獨
自雲外去、月中歸、只圖伊、珠還劍合、儘拋他、玉豔金
輝、待重來、長安帝畿、只恐人民城郭半非、尾聲、城頭
鼓角驚秋氣、腥風不斷九衢吹、少甚王孫都泣路岐、

沙將逼柳

山坡羊
影幢幢、蓮燈秋淨、氣寥寥、蒲團人定、碧圓圓、
空盤髻、螺一絲絲、久斷雙鸞鏡、魂暗驚、盈盈淚欲傾、
前緣一夢、一夢三生醒、忽撒牛車、采驂魚、乘吞聲、銀
字笙寒、炙不清、傷情心、字香殘、熱不成、前腔、錦層層、
圍屏幽靜、翠重重、閒房嬌倩、他怨悠悠、香銷玉沉、亂
紛紛、碎滴珠囊迸、我難主、憑蕭蕭、兩鬢星、你牢籠好
放、好放些兒緊、怕做寶瑟摧絃、銀瓶落井、休輕、不是
陽臺暮雨行、閒評、却映冰壺夜月明、

憶多嬌
看你容滿月、膚勝雪、芙蓉帳冷、單枕怯、空使

淚染桃花雙袖黥，試聽啼鴂。試聽啼鴂，轉眼芳菲易
歇。鬪黑麻我夢斷秦樓，空瞻漢月。嘆空道咸陽音塵
永絕，難相見，易相別。你要撥柳撩花，有甚連枝帶葉，
中懷耿烈。海山盟舊設，破鏡難圓，寶簪半折。憶多嬌
看他恨轉結，我中更熱。翠鈿含情羞再貼，御水空教
題紅葉。試聽啼鴂，試聽啼鴂，轉眼芳菲易歇。鬪黑麻
我翠鎖羞蛾，紅潮印頰，便日倚瓊窓。春裁綠纈，愁不
定計潛設。若要玉杵邀盟，就把金鉤刺血，中懷耿烈。
海山盟舊設，破鏡難圓，寶簪半折。

道中相逢

香柳娘問章臺那邊，問章臺那邊，盡闌雕檻，曉風殘
月重楊岸。嘆浮生枉然，嘆浮生枉然，絕塞損朱顏，深
閨賺青眼。怕珠沉在淵，怕珠沉在淵，步幄姍姍來遲
相見。前腔駕香車翠輦，駕香車翠輦，愁腸共轉，萋萋
芳草歸程緩。筭離輕會難，筭離輕會難，朝雨疊陽關，
秋星隔河漢。怕沙場不還，怕沙場不還，倘過華山，開
棺相見。前腔看風氲翠烟，看風氲翠烟，東華塵滿，聽
搖搖環珮聲低轉。且歸籠晚驂，且歸籠晚驂，珠鏤箔
偷褰，檀紅袖輕展。這相逢有緣，這相逢有緣，似環解
重連。絲棼難斷。前腔悞侯門幾年，悞侯門幾年，非關

盟變圖他兩翼乘風便步踟躕欲前步踟躕欲前秀
色望堪餐層波遙相盼問來期肯淹問來期肯淹一
旦悲歡心搖魂斷前腔似飈車乍旋似飈車乍旋轉
轉聲遠驅將金犢奔龍輶惜香雲半闌惜香雲半闌
恍惚接飛仙容光掣驚電拾遺來翠鈿拾遺來翠鈿
恨擲人間春歸天畔前腔那情踪可憐那情踪可憐
就中牽絆似伯勞東去西飛燕正龍城夜嚴正龍城
夜嚴朱戶約花關青燈逗雲閃把雙珠暗彈把雙珠
暗彈無限心間難消枕畔

道中投

五供養樓分隻鳳、奏絕回鸞跡、印飛鴻、縱君難再得、
教妾若為容、聲繁思冗、怎別做、瑟調琴弄、水流何日
反、花戀舊春叢、對面無緣、百年殘夢、前腔、鬢雲乍攏、
鏡翠慵窺、趾玉羞籠、浮踪雖浪蕊、薄命嘆飛蓬、中心
自懂、怕容易將人斷送、孤冰須聽徹、魚鑰待傳封、對
面無緣、百年殘夢、玉交枝、畫輪雙控、似銀河星橋路
通、卿卿原是多情種、忍拚教你西我東、南山有鳥雌
失雄、可如紫玉從韓重、合誰破得愁城萬重、誰叫得
天闌九重、前腔、無枝堪共、算都來飄零趁風、淫淫河
水歌私詠、誓當心日出、瞳瞳你青鸞飛入、合歡宮、怕

今生難作鴛鴦塚（合前）川撥棹詩常諷記題梅傳故
隴這鮫綃墨透香濃這鮫綃墨透香濃帶啼痕絲絲
染紅（合）暫相看疑夢中待來生尋舊踪（前腔）我玉盒
依然寶色融做賜玦投伊難再逢肯隨他兩面玲瓏
肯隨他兩面玲瓏也難將瓊瑤報同（合前）尾聲清秋
古道霜華重歎馬足雞聲爭送多少離魂蕭蕭滿碧
空

許俊奪柳

北黃鍾醉花陰寶閣雕闌鳳城裏聽一派仙音乍起
鏡鼓奏管絃催光皎皎雲日交輝蓬島般多佳致願

福壽海山齊。眼見得那萬方頻送喜。南畫眉序。車馬
羽書遲。將士東歸在今日。正歌揚杖杜。酒泛醅。丹
墀下玉帛。星聯綺席上。衣冠雲集。黛眉粉面分行隊。
莫惜遇時沉醉。北喜遷鶯。恰甚的有心無意。打乖兒
弄出虛解。痴也麼迷。沒波浪秀才聲氣。把樂以忘憂
做不知。遲共疾。俺敢待尋香替死。自古道見哭興悲。
南畫眉序。含笑半含啼。便要藏頭。怎遮尾。嘆同林宿
鳥。兩處分飛。難拋下剩兩殘雲。空閃得煩天惱地。黛
眉粉面分行隊。莫惜遇時沉醉。北出隊子。只早辦追
風單騎。把幾行書親自題。管引他倩女。一魂離出落。

俺將軍八面威呀、你準備着筵開花燭喜、南滴溜子
軍聲闊、軍聲闊、長鎗大戰、香塵擁、香塵擁、濃粧艷質、
看野外霜風正急、呼羣大打圍、將鷹犬集、走兔奔林、
飛鳥絕跡、北刮地風呀、這馬兒忽騰騰舉四蹄、懷揣
着風月文移、撞轅門似入無人地、早穿過綠水橋西、
又經他碧楊樓際、斜刺裏盡棟朱扉、趁着那蜂未窺、
蝶未知、把暗香偷遞、你道是巧張羅、慣打圍、俺可也
見兔兒纔放鷹飛、南滴滴金重門暗鎖春歸急、錦樹
辭條歲輕擲、香車寶馬相逢地、枉經心、空浪跡、天天
鑒識區區兩心、還似一、還似一、百年恩愛了何日、北

四門子病尉遲剗地臨危勢召召夫人把駿馬
騎這蠅頭錦字交傳與可是那廂兒親自題步兒要
高嗓兒要低漏東風將流鶯輕喚起人兒又忙馬兒
又遲死央殺龍駒做美南鮑老催追思往昔鮫綃半
幅餘泪濕玲瓏小盒餘香積望華鴈齊被鶯雙釵鸞
匹怕銀瓶落井還空汲金針墜海還空覓側耳聽臨
風立北水仙子呀呀呀日墜西早早早早一似夜靜
江寒載月歸他他他做宿鳥驚還你你你那孤凰再
配我我我憑着我破龍城打虎圍兼兼兼領着燕
約鶯期快快快快豎起花柳場中旌捷旗把把把把

草臺舊壘牢牢砌、看看、看看、柳色尚依依、
雲和日、雲和日、自去後、攀誰及、虛和實、虛和實、敢甚
處尋消息、喜共泣、喜共泣、翻倒極、翻倒極、任高燒銀
燭、問今何夕、北尾祝付你那雞兒、莫洵氣、算新婚不
強似、遠別多離、俺打合這才子佳人、直閃殺你、

雙環記

代弟從軍

摧拍濕淋淋、徒將泪零、急切切、怎把懷傾、此行真堪
痛情、此行真堪痛情、那道暫時離別、就有死無生、空
復呼天、天也難應、合愁只是弱質沖齡、離膝下、便從

征前腔憾攢眉偏傷痛情恨臨歧難留便行說不得
就裡說不得就裡總是忍辱憚勞仗義埋名假使捐
軀烈績誰明合前前腔望高堂愁煩莫興去遐荒功
名立成若說對壘若說對壘不下鬼母操戈月魃揚
旌管取霧捲塵埃風掃膻腥合前前腔為官差須教
快行離家門寧無暫停只恐違期怒發只恐違期怒
發拿到廳堦一百粗藤打得熱血淋漓立處成坑合前

金環惜別

山坡羊冷蕭蕭荒涼天氣開攘攘兵戈時世塵靄靄

遮得路條條莫辨、風颯颯吹得雁行行都失序、心正
悲、偏只恁著緊行無力、一步難捱、如同一里、好教人
心怯城頭、斜陽西墜、含啼、泪汪汪不住垂、含淒、意專
專特為誰、前腔、眼昏花難睜、難閉、脚趂趂難行、難立、
猛可的路途間、忽刺入亂跑、厮琅琅都帶著銅鈴至、
馬似飛、沾身熱汗淋如水、人掛綠牌、旗馱著金字、爭
知、原來是報事的、傷悲、何時節遇見伊、

水紅花、誰教輕使就分離、又爭知、裙釵之輩、何曾伐
鼓與搖旗、好心痴、怎生存濟、此行何處、知他重更遇
良媒、料應是、東去水難迴也囉、前腔、從知心硬似金

石豈胡為休將輕視貞堅怎肯落便宜景堪悲黃沙
千里總有寒衣誰寄到天涯空復望書北至雁南飛
也囉

六么令風驅霧駛去匆匆一瞬難遲音容隔絕見無
期除非是夢中時隨教腸斷成何濟隨教腸斷成何濟
前腔塵頭黑起望前軍慘若雲迷紛紛血淚不勝啼
空點滴任淋漓難教此際人畱滯難教此際人畱滯
前腔雙親勿慮為孩兒切莫傷悲有朝一日奏功回
光里問耀門楣那時纔遂平生志那時纔遂平生志
蠻牌嵌寶鐙心痛怎分離空只恁苦牽衣雖然遲半

餉何得盡心私、怎得使還鄉幾時、好教人難遣難支、
怕是關山迢遞、音書頓杳、安否何知、前腔天將赫宣
威似風行、莫敢遲、心中愁萬種、都做泪交頤、總是不
封侯也、須論功賞、建節揚旂、恨是椿萱難離、溫清盡、
弛鞍馬驅馳、

中秋賞月

絳都春秋空湛碧、漸灑灑露零、雲斂無跡、恍爾龍妃
將寶鏡、高擎光似拭、低庭河影近、不盈尺、最偏稱杯
傾玉液、管絃鳴處、拚沉醉、全此共酬佳夕、出隊子須
防離畢、趁此清光應愛惜、臨風忽更枉憂悒、只恁憑

誰應化石、空切切、幾番教無端、恨積。開樊樓、原知兔魄無虧、抑借輝成、照有時、盈昃、桂影何曾、圻、桂子還應實、且將盃盤、驀忽的、早又光匿、擬同看也、知重在甚夕、滴滴金、相看滿地、皆簫瑟、耿耿金波光、似濕、栖鳥尚亦驚、還起、料嫦娥、應更憾、孤懷反側、竟何時、頓將餘思釋、此心匪石、幾點空教淚滴、畫眉序、天應見心跡、空有幽懷、怎能釋、李陽臺、雲杳、竟成懸隔、總休猜、蜂蝶無情、都本是、鸞凰非匹、到頭有日、同歡笑、分明裡、自看黑白、啄木兒、空辜負、三五夕、對嬋娟、轉成悲暢、偏聽宮商音、韻美、未持觴、先倦矣、怎禁調、比山

陽笛空教奏似湘娥瑟、不由他把啼痕暗拭、挖爭的
雙鸞鏡待擊、三段子、且將意適、論人生都是客、光陰
最急、等閒閒頭又白、時更事易、從知自本原差忒、向
尊前再休將怨集、把良宵輕拋漫擲、鬪雙雞、秋光暮
秋光暮、頓然可惜、芳華謝、芳華謝、怎教遽擲、就裡非
關脫輻、一雙並蒂開、無端暗折、料只是今生內、分緣
未及、上小樓、須知非將間隔、這其中、言怎悉、皆因向
日自差失、幾度燈前欲訴、爭奈事舛詞澀、西鮑老夫
妻事上當從實、怎相欺、圖隱匿、雖然中心猶悔、到如
今、難更易、須教自悉、臨風已效于飛翼、又豈輕相拆

耽孤捱隻無情處也應惜芳華迅時序迫好把懽娛
地莫使鎮長隔餘文堪憐萬里天如拭皎澄輝露華
猶滴但願得年年如是夕

雙環會合

獅子序雖出仕家本微世居原在今安仁巷西遭兵
燹業廢復遭災危驚忽地二親俱喪矣驚聞最慘悽
代父從軍不知他身亡何地他只為一言既出駟馬
難追太平宗支差紀一向把錢迷年來從郭原因
借母氏都只為仲翔名不利因此上從改文為諱那
想偶叨恩賜狀元歸兀那婚事總休題寶官花言之

可悲父秦弘、本布衣、他不慕為卿相、惟愛誦詩書、詎
想驀然征戰起、要把咱即時充入衆軍旗、降黃龍、其
時因事難稽滯、娉氏甘心把咱潛替、全不自悔、怎知
他一去無歸、堪悲、怎使他遭戮、本先戮咱、心方無虧、
不由得千疊恨遺、萬行淚啼、大聖樂從前事、真箇蹀
躑、論蹀躑這言詞都是詭、假若伊是咱親弟、恁須索
認門墻、休誇道腰金衣紫男兒貴、須信道拜將封侯
女氏魁、無勞驚異、要見秦家木蘭女、咱是瑣窓郎、又
誰知復見光儀、驀忽似夢中回、花逢再發、月遇重輝、
同開笑口、堪驚堪喜、合荷高堂雙雙從享太平日、增壽

考沐榮貴前腔金環本是輕微幸揮納不相遺隨身
佩帶甚日曾離何知轆合相連於此合前瑣窓寒向
高明那敢再猶疑只為強把羅襦換鐵衣向邊庭不
揣微掌戎機雖叨激引難辭瞞昧怎知咱是未婚的
閨女往時都只為弟急促間權且支持前腔說將來
嚇得人痴自古何能再與齊本挑描玉手那解相持
天然舉動偏多英氣把封侯等閒輕取假如隨卽報
知一家兒怎免驚疑

盍簪記

題簪話別

朝元歌 烟青露青、缺月含山暝、風零露零、宿雨侵沙
冷、對此霜辰、霞杯須飲、你指日奎光呈景、獨對天庭
春雷一聲揚姓名、及早賦凌雲、休常為客星、屈指歸
期難定、也須寄箇雪消音信、前腔憑你龍蛇筆陣、長
鯨赤手擎、健翮奮鵬程、謝迹雞窓、立身鰲禁、誰想鵲
鴝狼狽、却教你狗苟蠅營、向羊腸鳥道勞駿奔、若聽
杜鵑聲、休忘鶯燕盟、屈指歸期難定、也須寄箇鴈魚
音信、前腔自恨寒梅孤另、松筠扶助成得與杏園春
桃李精神、芝蘭丰韻、忽爾田荆枯甚、都變做斷梗飄
萍、那三槐五柳空自存、桑梓最關情、何時同桂林、屈

指歸期難定也須寄箇及瓜音信前腔離了長寧鄉
井巴山極地青楚水際天明險過流沙峻同秦嶺最
古瞿塘倒影劍關連雲望江東渭北空斷魂蜀道甚
難行何心戀錦城屈指歸期難定也須寄箇隴頭音
信

憶多嬌身體弱情思惡風塵萬里方纔發脚只為吾
兄此行太錯合景物消索領取千般寂寞前腔風土
惡人意薄川湖地里此其大略要似圍碁小心下着
合前關黑麻結義的金簪必須再合今日的盟言不
可忘却有時重聚首方成信約莫學紛紛世情淺薄

合離愁怎說、只餘雙淚落、一寸柔腸、萬刀競割、前腔
心只願吾兄、體安意樂、要萬貫腰纏、早尋跨鶴、寒溫
兼寢食、自當忖度、世態人情、天高海闊、合前

二良爭死

皂羅袍、仰望高臺明見、論殺人償命、事理當然、報仇
元是我居前、出官為彼、將言勸、亡親已葬、仰無所瞻、
嬰孩已育、俯無所牽、甘心一死、何須辨、前腔、再望高
懸水鑑、願詳情察理、反本窮源、殺人單是我行權、那
時豈見多聞面、忘生替死、吾雖不言、嬌妻幼子、彼亦
訴冤、招承是實、難更變、前腔、看他們英傑可羨、便殺

身取義敢勇爭先千年尚義賽桃園分金古道今重
見從容就戮誰不愛憐青災肆赦吾當保全管教番
過如山案前腔謝得恩官公斷幸春生筆下喜上眉
尖重磨古鏡月初圓一番時雨花開遍入生如死如
踰玉關感恩圖報宜銜玉環舉頭湛湛青天現

鳳簪十義記

因諸腔中有韓朋十義記故別之

雷僮別妓

江兒水適在人稠處傳聞事有因道吾鄉失火焚倉
廩正東廊一帶皆煨燼更連廩無數成塵空獲出何
恩推問凌辱難禁頭觸官堦身殞前腔驀聽家童報

令人心戰兢、怕萱親恐嚇憂成病、且長鬚負屈虧身
命、我家資那箇能承應、只得暫歸鄉井、看事勢調停、
復到粧臺詢問、（王交枝）熱衾溫枕、何忍得匆匆兩分、
愁只愁惜玉怜香、怕不思敗盡殘英、別卿自行免掛
心、畱童為質知真性、被狂風摧殘羽翎、慮長途縈牽
憂恹、（前腔）睡魔驚醒、忽聞得堂前沸聲、急忙移步前
來問、緣何泣涕交零、何君家報有變更、整裝卽欲鞭
歸鐙、為倉儲千餘火焚、慮高堂一時危病、（川撥棹）擎
盃敬、眼盈盈、心刺疼、禁不住紅泪交傾、禁不住紅泪
交傾、知甚日重諧春姻、（合）聽驪駒、不忍聞、願舟車、一

路寧前腔我主人歸僕必伴行命於斯不敢更慮只
慮途路上孤形慮只慮途路上孤形仗天恩相扶吉
人合前尾聲護持玉體休擔悶淪寢風霜自警妾僕
懸懸專心聽好音

花園被執

山坡羊碧溶溶銀蟾出海錦重重晴雲散彩疎刺刺
風敲竹聲顫巍巍花影過牆兒外畫角哀初更遠
速來潛身樹底樹底消停待見宿鳥驚飛落紅亂洒
疑猜倘相親玉鏡臺疑猜怕藍橋事不諧金井水紅
花懷金倩婢離粧臺小弓鞋速行不快心中急欲見多

才喜盈腮、多應久待、轉過關千十二、款款下香堦、且偷開禁鎖、覩端詳也囉、梧桐樹、結絲蘿、成恩愛、天遣姻緣相倚賴、作證明自有星月在、誰背初心、天與安排、多辦取白髮青絲、永久和諧、想前生做下今生債、水紅花、叮嚀再囑我英才、向書齋、莫教務外思量、今日受冤災、值時乖、還須自解、否極必然生泰、苦盡自甘來、那時節、連理並頭開也囉、

深淵救溺

香羅帶、遇災離故園、誰道重罹禍愆、多應分定絕祿年、枉然負你好心田也、你是瑤臺月、楚畹蘭、冰清玉

潤虛把名污玷、雖然為我孤窮子、也想是前生結下
冤、憶多嬌、棹小船、覓大川、斗炳橫斜夜半天、四境無
聲更悄然、急急推班、急急推班、只在前邊那邊、香羅
帶、爹行性執偏、把我做禽蟲樣看、輕分母子不見怜、
只因美事要週全也、做了無根蕙、斷梗蓮、今生未偶、
願結來世緣、寒潭夜月埋冰骨、不混淤泥清更連、憶
多嬌、月朗然、星燦然、舟向平波櫓楫便、深水淵潭正
此間、不必埋冤、不必埋冤、請自雙歸九泉、

花燭成親

降黃龍、說甚麼萬里青雲、畢竟吾當舉足高登、今奈

時違命舛，今奈時違命舛。接踵災殃，魚貫箠凌，驚心
為今之計，惟苦志螢囊雪映。管他年夫榮妻貴，啓人
恭敬。（前腔）家聲閥閱相承，享用膏腴使令。妾媵遭逢
折挫，妾媵遭逢折挫。舉目淒涼，此身孤另。勸豪英懸
頭勵志，勤燈火三餘須緊。要爭噪須當記取，德酬寬
併。（太平令）雞報殘更，耿耿銀河夜氣清。通宵不寐，勞
神涸，敬一盞晚萍茗。（前腔）多感殷勤，解渴清心，神氣
寧。衣衫乾燥穿來穩，今打點辦行程。撲燈蛾門第兩
相抵，才貌更相似。梁鴻配孟光，從教百歲和諧也。憂
中變喜，羨靈鵲填橋接翅。更雙雙冰肌玉體，真箇是

千金難買此佳期、前腔三綱固所宜、二姓禮堪繼、綠
窓自選之、牽絲合、卷綢繆也、我桴材對非、附喬亦相
依、相倚願永結白頭之契、想今宵今夕、此事果稀奇、
媚哀終身不二心、終身不二心、此世惟一志、婦道堪
為、簾簾親供侍、金屋阿嬌、卿卿須貯、感殷勤、不棄嫌、
為快婿、前腔君須辦志誠、君須辦志誠、妾肯忘盟誓、
土樹叢篁、只愁變易、還輕棄、月色燈光、證盟心意、如
負恩、當碎屍、天鑒取、尾聲舟師柳岸、專相俟、乘此北
風南去、願望他年、衣錦歸、

棄子金英

香柳娘看伊行好痛酸看伊行好痛酸使我手足驚
顫脂銷色槁形容變起風波驟然起風波驟然法重
又刑嚴禁得這磨難合嘆災來怎免嘆災來怎免必
落冥途難生閭閻前腔我存亡係天我存亡係天非
為不踐何期致我多危險看形骸好慘然看形骸好
慘然痛楚不堪言難捱這殘喘合前前腔望牌頭可
憐望牌頭可憐且撐持緩款折磨如此何曾慣謝施
恩幹全謝施恩幹全刑罰暫疎寬公門中好方便合
前前腔已不得一食已不得一食心空臆泛唉嚨頭
阻塞難吞嚥想目前命捐想目前命捐荆婦處孤窮

望兄好相看、合前

好姐姐祖居江陰儒裔、先君是文宗科第、為私仇尅
核酷官部索之、把我家傾費、更兼捕獲裝成罪、因此
夫婦離家遠避之、前腔寄居鹽官鄉邸、苦攻書欲圖
進取、為張堂屠壽、合謀哄飲食、他強傾醉、故將婢殺
誣人罪、廣使錢神成重辟、前腔想伊前生有期、今
湊吾兒身死、從茲脫難、到家庭承後嗣、蒙救取書紳
撫臆、深恩義、翦肉焚香會頂儀、尾聲我的心腸鐵如
到今日善根一起、多應是你不該祿命虧、

剖容立節

山坡羊冷蕭蕭朔風嚴勁夜迢迢房櫳寂靜暗昏昏
孤燈伴形响咚咚誰鼓聲頻震兩淚零追思昔日盟
願天長地久兩下同懽慶豈道半載夫妻瞥然緣盡
合傷情嘆浮生水上萍傷情嘆年華風裡燈前腔恨
綿綿生時不順怨漫漫流年多橫痛切切娘恩未酬
苦悠悠夫義身當殉這三尺綾堪為輓輻繩全憑引
我前往冥途進却與亡夫重諧舊日情合前前腔正
朦朧神迷幽境身渺茫魂歸岱嶺韵悠揚聲從耳鳴
影模糊漸覺回真性晦復明終須不久生只是無辜累
你母子深情分辦取來世填還海樣恩合前前腔對

青銅羞覩色，恨朱顏常遭禍。覺這秋波招非惹災，
舉霜刀要立清名正，自省心那奸徒太不仁。豈知奴
抱奴抱羅敷行，枉使機謀怕終成話柄。（合前）

椒觴記

西湖遊開

惜奴嬌 酣賞湖陂，羨武林都會，古稱佳麗。西城外並
列兩峰高峙，還喜何處飛來，細織烟嵐滿屏空翠。私
鄙非昔日舊繁華，堪憶汴京流涕。（前腔）蘇堤柳色依
依，更松陰曲徑，遠橫九里。斜陽外，閱盡幾多興廢，徒
倚滿載樓船，鼎沸笙歌競誇羅綺。還擬有昔日臥薪

人雪盡會稽羞恥、蛤蜊序、連漪、飛絮浮萍、漸池塘新
綠、覆鴛疑睡、向六橋遊處、送春尋醉、嬌媚風牽翠荇
衣、雲橫綠髻垂、有盧姬、只見壓酒香濃、莫惜杖頭錢
費、前腔、綠蟻試換新醅、映玻璃琥珀、滿浮香氣、對波
光潋灩、更多情致、他是狂輩、須將眉黛低、莫教臉暈
偎、玉山頽、忘却酒肆琴臺、唯見暮雲春樹、錦衣香、他
把蕭艾芳、叢蘭委、魚目珍、明珠棄、空將寶劍虹光塵
埃埋翳、大鵬終擬奮天池、封侯未得、李廣數奇、任兒
曹輕覷、自難教薰蕕同器、俱是亡羊類、讀書何貴、魚
蝦翻笑、蛟龍失水、漿水令、覷錢塘了、無形勢、地卑窪

休誇百雉、又無鄭國水工渠、引流可灌、何取隍陂、胡
言語、莫亂為、產蠶沉竈、非容易、休爭取、休爭取、眼前
是非、西湖上、西湖上、夜烏啼、尾聲、酒痕狼籍扶歸去、
似蠻觸、徒然作戲、莫笑山公倒接離、

旅館椒觴

玉山頽、你是天衢神駿、偶淹畱、長安路塵、雲間鶴元
是仙姿、月中桂、定非凡品、聊將新醞、且請破除愁悶、
楊柳含烟嫩、灞陽春、年年攀折、為行人、前腔、我是江
湖名姓、伴賢良、同泛五辛、笑蠅頭、猶自驅馳、愧驥足
未能攀引、浮生一瞬、蕉鹿夢中難忍、重繫蘭舟穩、向

甕頭春明朝還有遠行人（前腔）與你世居同郡喜今朝相逢故親况尊壘重舉芳椒更林塘漸抽鮮笋片時相近離合後來難定越鳥栖休問上林春與君俱是異鄉人（前腔）情縈方寸久相留難言報恩望龍門思奮偏摧向鵲路欲飛還褪穿楊力盡鏡裡漸消青鬢裘微黃金罄帝鄉春楊花愁殺渡江人

羅織寬招

（園林好）為下第羞歸故都為旅舍相携酒壚何曾有酖人羊祜求明鏡鑒亡辜求明鏡鑒亡辜（前腔）好麴蘖是高陽酒徒他設椒漿心懷毒痛何曾有甯俞行

賂捐軀命赴冥途捐軀命赴冥途江兒水惜彼才華
富時窮泣阮途做白衣送酒頻相顧誰知角影杯蛇
誤非關行酒劉章怒本是城門失火罪自甘心難道
旁及池魚殃禍前腔詳聽紛爭辨胸中自揣摩多因
是曹劉七著陰相妒驀然酖酒非無故只為那片言爭
席先朝露何不深藏豹霧沉酒傷人豈是儒生規矱
五供養文成七步熟喻明條敢侮蕭何守身如白璧
蠅點豈能污詳推市虎念投杼曾驚慈母若教冤及
主寧使罪加奴願賜矜疑湯網應疎前腔深冤哀訴
他詞色無情中有差訛殺人非細事豈可遽模糊出

言無度、為首罪應先坐、芝蘭非惡草、寧忍盡誅鋤、若
究馮球、錫餅由我、(王交枝)難禁摧挫、痛繁刑傷殘體
膚、生逢陽九、皆天數、勸伊行不用、咿鳴、當年意氣未
肯磨、誰知有甌、今朝墮、看飛霜東海欲枯、看飛霜東
海欲枯、(前腔)虛舟相忤、有爭言情乖、未和、聞知椒味
多辛苦、因此上、擣泛醞、醞須臾、一枕難再甦、新炊未
熟、黃梁釜、並非因同謀、共圖、並非因同謀、共圖、(川撥)
棹、你窮酸醋、枉讀詩書、誦典謨、猶兀自者也之乎、猶
兀自者也之乎、他抱奇冤、遊魂尚孤、也難言、為厲誣、
(前腔)我東人、暫將軀命扶、豈神理茫茫、昧有無、叩天

閨自可號呼、叩天閨自可號呼、待歸來謀脫網羅、死
鴻毛、非丈夫、死鴻毛、非丈夫、尾聲從來猛改多如虎
看鈞黨把蕃膺來錮、空有鄒陽書再募、

獄中見弟

石榴花我只為群蠅飛刺、讒口正瞽瞍、他才鷹犬性
鷓鴣、園扉人靜夜迢迢、是誰人暗起波濤、蕭侯佐漢
高、到如今猶自瞻遺貌、解秦苛約法三章、豈張湯趙
禹繁條、前腔他折脇摺齒、曾受魏齊驕、落坑塹、等鴻
毛、更名張祿夜遁逃、有王稽秦使星軺、近攻遠交、把
奇謀自向秦廷効、我如今却笑親知、更不如須賈綈

袍前腔。壺漿簞食，特地慰無聊。見他容雖減，氣猶豪。
潁川使酒，訕當朝。因不第，欲效黃巢。這是無端命招。
也難言禍福。惟人召。想范滂不愧夷齊。何必去禱謁。
皋陶前腔。扶災卹難。幸得到今朝。思兄切，敢辭勞。疑
夢中相見，轉悲號。似哀鳴旅雁，嘹嘹猶可亡羊補牢。
仗回天有力，還重造。解黃金多贈腰纏。正錢塘江上
通潮前腔。張衡門徑，惟見草蕭蕭。護身纖白，親操聞
言驚慟。翦金刀。霎時間，命比萍飄。夢中有妖，見龐兒
嗔吹喜。雙星照。勸王孫善保身軀。看神龜曳尾逍遙。
撲燈蛾。他親承伊洛源。堪比河汾教。白水正談經，却

為思兄辭別也。他有一言相告。願龍蛇暫蟄待沖霄。果然是紅塵不到。嘆人生。何須名利枉徒勞。前腔。據誠玉街呼。碎首金銜開。詳訴覆盆冤。願得重瞻日月。也定有一封恩詔。依然是弟酬兄勸舊同胞。惟願取壁完歸趙。方知道。恢恢天網自昭昭。尾聲。須聽金鑰鳴鷄早。且暫展今宵懷抱。聖主聰明是帝堯。

戰捷勝遊

二犯傍粧臺。采石聽江聲。仰天清嘯舉酒祝長庚。文章事高千古。似庾開府。鮑參軍。脫靴堪羨功名薄。賜錦還誇意氣橫。金鑾趨殿。沉香倚亭。笑將新曲奏清。

平前腔

他乘月渡金陵蘭舟輕泛盡道謫仙名東山

畔尋牛渚春天樹暮江雲溪邊翠竹身常逸醉裏青

蓮詩易成詞林供奉人間酒星不知何處駕長鯨

排歌大雅遺風飄然不羣詩成鬼泣神驚一盃濁酒

歎飄零回首匡廬白髮生呼子美挈李真金龜脫換

酒家春鸕鶚杓鸚鵡尊玉山頽處對斜曛前腔數載

睽違相思故人江山揔是離情忽聞岸上踏歌行却

是桓伊笛韻清心懷俠氣未平臨江釀酒梨猶橫我

思松徑想萼羹不知歸去幾人存前腔一見高風餘

懷盡傾還疑太白前身世間能得幾豪英拍手相呼

弄月明、潮衝石、浪激稜。放舟何幸遇袁宏、烏寒宿、雞
夜鳴、猶思起舞擊青萍。前腔落魄江湖身、如泛萍、山
陰孤棹、閑停羨、君揮塵、淨胡塵。今夜仙舟、御李膺、浮
名薄、世態輕、淒涼舊事、總難陳、封侯業、拜將勲、願看
江漢、永銷兵、尾聲酒頓斟、歌重聽、何時再與細論文、
轉憶汪倫送我情、

師生讌雪

念奴嬌序彤雲萬里、正風高、紫塞寒凝、玉宇瓊樓、九
陌冰花、迷曉騎、相映銀燭光浮。誰構鵲鵲翱翔、蓬萊
雲近、參差鴛瓦、散琳球、空宴賞、羅幃錦帳、長下銀鈎、

前腔紅袖羊羔美酒共珠翠圍繞金爐還擁貂裘試

問江湖何處是窮巷柴門圭竇難守百結鶉衣經旬

塵甑袁安高臥最清修休宴賞瘡痍滿路黃竹誰謳

前腔寒透何遜官齋林逋仙棹剡中佳興羨王猷溪

壑遠點綴梅玉枝頭更有極浦漁蓑深山樵徑蒼苔

碧篠助清幽空宴賞高情訪戴同快吟眸前腔知否

披甲屯邊彎弓出塞沙場千隊貔貅征戍苦五夜

猶着兜鍪更有持節胡庭食糧朔地羝羊北海伴羈

囚休宴賞干戈滿路何日消憂古輪臺願田疇嘉禾

豐稔在來秋占祥正及書雲候昇平如舊看入土遺

蟬處處兩岐麥秀社鼓村謠歡聲迭奏向梅花深處
醉甕甕黃童白叟更共斟家釀新芻春回暖閣凍消
江岸重看烟柳此曲有誰酬梁園友相如揮翰最風
流前腔難畱曾比玉不堅牢又似飛絮飄揚堆鹽窓
牖却惱兒曹慣把無情簷簾也有搏影奇形舞禽蹲
獸也有映取清光坐殘漏遺經在手想仙姬搖珮瀛
洲巧將紈素翦成六出紛紛瓊玖幻景果誰收但願
人長久金尊檀板散閑愁尾聲茶烟濕酒力柔空暫
掩丹巖翠岫明日晴原策杖遊

羅囊記

相贈羅囊

皂羅袍朋友當有通財之義、又何須如此苦苦推辭、
若云取與要相宜、豈非貧乏當周濟、合羅囊雖小、製
作頗奇、曇花欲笑、描鸞半飛、來朝獻納蟠桃會、前腔
見得固當思義、論朋友之道、不必生疑、既承佳意、念
微軀、即當從命、畱深意、合前前腔、敬汝輕財重義、念
朋友之急、屢屢維持、仲由所志、共輕肥、却超自古能
樂施、合前

春遊錫山

梁州序春光如海、鶯聲如管、何處香塵不斷、青梅如

豆佳人已試羅衫，正是乍晴乍雨，輕暖輕寒，菜麥驚
時變，玉驄嘶曉處，暫偷閑，為看風前楊柳眠。合低低
唱，頻頻勸，向杏花深處開筵宴，春富貴，許誰見。前腔
荼蘼枝軟，海棠花綻，蛺蝶初飛，庭院少年紅粉，牆頭
戲耍鞦韆，正是賞心樂事，美景良辰，好遂風流願，夜
來人住在，那溪灣，朱戶重重春晝眠。合前前腔紫烟
浮春浸江山，彩雲明花燃樓館，看遊人如蟻，畫中來
往，正是清明將近，寒食未來，杜甫芳心換，燕雛飛亂
不，淡雲天，日暖鶯鶯沙際眠。合前前腔彩蜂飛芍藥
闌邊，錦鳩啼木香亭畔，問人問春色，有誰閑管，正是

梨含白粉、桃染胭脂、總是東君面、寶車休碾破鏡中。
檀留與遊人一醉眠、〔合前〕節節高林花綻錦、鮮遶山
燃、郊原步步香羅薦、春山畔、春水邊、春風暖、直教醺
醉遊人面、何須買遍杏花茅店、〔合〕只恐東風更無情、
輕輕扇落桃花片、〔前腔〕東風花滿烟、好春天、家家池
館、開屏扇、飛新燕、啁柳綿、來沉院、玉人笑咽驚初見、
半倚屏山、把銀箏按、〔合前〕尾聲韶光九十如飛電、趁
青春、日日追歡、莫惜揚州十萬錢、

兩頭蠻佳人堪愛、疑似天仙離玉臺、降塵埃、則見他
解舞腰肢、腰肢體態動人懷、這的是春到人間花弄

色雲鬟、釋玉釵、湘裙掩鳳鞋、一笑須傾蔡、今日是張
秀才、秀才遇鶯鶯、心驚駭、遇鶯鶯、心驚駭、北醋葫蘆
燒燒了、菩薩香、便看他、羅漢臺、或粧笑、或粧語、或粧
睡、或粧呆、這伽藍觀音在何處來、那善才時來拜、喜
孜孜、難并揜、笑吟吟、下瑤臺、兩頭蠻、碧桃花外、可聽
清音似有哀、自疑猜、我則道、五色雲中駕輦回、鳳嘴
喈、誰想道、二八紅粧笑語來、輕輕步、碧臺、金蓮剛半
折、惹得我魂不在、好教人、沒擺劃、擺劃、何日了、相思
債、何日了、相思債、北醋葫蘆、二泉亭、風景奇、三賢祠、
眼界開、山能秀、水能碧、雲能淡、月能輝、來說甚麼滿

懷春似海、盡都是名山勝境、回去時、慢思想、敢則是
好傷懷、兩頭蠻如忻如怪、一會低頭不肯擡、掩香腮、
羞搭搭、仍向迴廊底下回、苦難挨、惱殺了小姐為人
方在客、牡丹爭得開、春從何處來、行止因他壞、竊玉
心越越窄、越窄、好姻緣當跪拜、好姻緣當跪拜、北醋
葫蘆暖溶溶、日正長、錦團團、花正開、鶯兒轉、燕兒語
蜂兒忌、蝶兒猜、亂紛紛、春光自眼來、有多少、嬌情豔
態、喜得他、渾似醉、惱得我、半如呆、兩頭蠻彩雲何在
這的是行雨巫娥心、忒歹、可傷懷、空使我香雲夢裡
來、楚陽臺、誰想道、飄然不見采、佩聲離玉階、餘香散

草萊已便還仙宅，這冤家不自在，自在早晚來須成害。

劉公賞菊

惜奴姬，陶徑非遙，看黃舒鶯羽，白展鵝毛，不敲羯鼓。
今早滿籬開了，香飄好似當年錦絲屏障，一般施巧。
合色更嬌，偏把九月重陽，酒卮相照，前腔妖嬈，一箇
楊妃到吾家堦下，扯豔爭嬌，臨風未語，應是有情含
笑，堪描無異唐宮，昨夜晚粧殘了，合前關寶蟾，緋桃
不比夭桃，性顛狂薄，片時吹落盡，不趨炎熱，遇霜尤
傲，須道難逢開口笑，宜把簪烏帽，合色更嬌，偏把九

月重陽酒卮相照（前腔）奇標不用胭脂是誰人新染
相袍紅了、捻團造化、做將來恁巧絕妙、逢花須笑傲
何必龍山眺（合前）錦衣香花滿籬、清香遠酒滿卮、清
光照對酒逢花、良辰能好籬籬、今夕共陶陶、栩栩錦
瑟隱隱鸞簫、挖瑟瑟麗鼓响叮叮、檀板齊敲、且開懷
抱、趁時歡笑、人生七十古來稀少（漿水令）忒楞楞孟
嘉落帽、碧澄澄白衣美醪、大家拚得醉今宵、何妨明
月轉過花梢、逍遙快活人間、即是蓬萊島、蓬萊島、今
宵醉了、蓬萊島、蓬萊島、醉到明朝、尾聲得歡笑處須
歡笑、何勞萬事相縈繞、明日陰晴難料

羅囊重會

畫眉序牛女久相違、豈料橋成在七夕、謝重生父母、
幸勿深罪、總桃源錯認劉郎、豈桑林誤將妻戲、合有
緣千里能相會、古語總來非偽、前腔斂衽拜尊儀、一
點良心久欺昧、若非蒙大手、拯溺之惠、怎能勾杏苦
梅酸、番做了瓜甜李脆、合前前腔萍水嘆無邊、邂逅
相逢實有緣、委喜裴航今日、幸逢仙女、似百年破鏡
重圓、真萬兩黃金不換、合前前腔先進感恩杯、轉賀
魚軒好良會、勸吾兄今日酒當沉醉、從今後空室宜
家、夫和婦如琴如瑟、合前撲燈蛾百年夫與妻、一朝

再相逢，好似枯樹一時逢。春雨也便榮枝茂葉發，他
連理子孫枝。始知義全恩至，總千年萬古不減好名
兒。尾聲從今打整還鄉去，須大設華筵相聚，且共鄉
人話別離。